

COMUNU DE USEDDUS

Provìntzia de Aristanis

DELÌBERA DE SA GIUNTA COMUNALI

Numeru 16 de su 16/03/2007

OGETU : Individuatzioni serbìtzias a pregonta de una personi feti – Determina tarifas annu 2007

S'annu duamilaseti sa dì sexi de su mesi de martzu, a s'ora de sa una, in custa domu comunali, cunvocada informalmenti, s'est atobiada a pari sa Giunta Comunali cun sa presentzia de is Sannoris :

ATZEI ADRIANO	SÌNDIGU	P
ATZORI FELICE	VICESÌNDIGU	P
SERRA MONICA	ASSESSORI	P
ERBI' CESARE	ASSESSORI	P
ADDARI GIOVANNI	ASSESSORI	P

Inde risultant presentis n°5 e ausentis n°0

Pigat sa presidèntzia s'Abog. ATZEI ADRIANO in calidadi de SÌNDIGU.

Partizipat cun funtzionis consultivas, refèrentis, de assistentzia e verbalizatzioni (art.97, comma 4, de su D.Lgs. n°267/2000) sa Segretària SCALA dott.ssa MARIA BONARIA.

Su presidenti, atzertau su numeru legali, decrarat aberta sa chistioni de s'argòmentu in ogetu, regulàrmenti iscritu in s'ordini de sa dì, e invitat is benius a pari a deliberai asuba s'argòmentu ingitau in s'ogetu, ponendi innantis ca, asuba sa proposta de custa decraratzioni, anti nau ca giai:

su Responsàbili de su serbìtziu interèssau (art. 49, c.1, de su T.U. n°267/2000)

sa Segretària Comunali (artt.49, c.2 e 97, c.4b, de su T.U. n°267/2000) po sa regularidadi tècnica.

SA GIUNTA COMUNALI

BIU s'art.172 litt. E) de su T.U.EE.LL.;

CRETIU depi individuai is serbìtzias a pregonta de una personi feti de donai in s'annu 2007;

PIGAU ATU ca po s'art.19 de su decretu legislativu 342/97 chi at abrogau s'art.14 de su decretu lei 415/89 no esistit prus s'obrigu po is Entis chi non siant in iscuncordiu o strutralmenti mancantis de su dinai po ammantai su costu totu in pari de gestioni de is serbìtzias pùblicas a pregonta de una personi feti cun tarifas in sa misura prividia dae sa lei;

TOTU custu postu innantis

PIGAU ATU ca

- su Comunu de Useddus no est Enti iscuncordiau e duncas no incurrit in is obrigus naus asuba ;
- cun delibera consillari n.31 de su 31 de su mesi de argiolas de su 2006 est stetia determinada sa strutura de su Circulu Didaticu de Alas annu scolasticu 2006-2007 e est steti istabiliu de andai a innantis cun sa gestioni, totus is comunus in paris, de su serbìtziu de mensa e su tragai is pipius e is piciocheddus de iscola de su obrigu po su annu iscolasticu 2006-2007, aproveni sa cunventzioni fata aposta po su serbìtziu de is iscolas de su obrigu intra de is Comunus de Usellus, Albagiara e Gonnanou, dae custu bessit a pillu ca su Comunu de Useddus est individuau cumententi a comunu a conca de sa fila po sa gestioni de su serbìtziu mensa po is matessi iscolas ;
- ca in su 2007 is serbìtzias a pregonta de una personi feti de donai funt custus:
 - DONAU ATU ca in s'annu 2006 cun delibera de sa G.C. n°30 de su 06.03.2006 beniant aprovas is cuotas de cuntributzioni cumententi sighidit:
 - Materna €12,91
 - Elementari € 5,17
 - Medias €10,33

CUNSIDERAU ca is comunus chi faint parti de sa cunventzioni ant adotau sa alicuota de cuntributzioni po su serbìtziu de mensa, una sceti po totus is iscolas, in sa ragioni de su 50% de su prètzziu a pastu, paris a €3,12;

BIDA sa relata de su Responsàbili de su Serbìtziu Amministrativu;

CRETIU depi pretziai is tarifas de sa cuntributzioni utentzia po su serbìtziu mensa pretziendi donnia pastu aici cumententi sighit:

- Materna €1,00
- Elementari €1,50
- Medias €1,50

TENTU su nai ca gai de regolaridadi tècnica de su Responsàbili de su Serbìtziu Amministrativu e contabili de su Responsàbili Ufìtziu Ragioneria;

TOTUS IN PARI

DELÌBERAT

- DE individuai cumenti a serbìtziu a pregonta de una personi feti dae fai in su 2007 custus chi sighint:
Serbìtziu mensa scolastica
Serbìtziu po tragai is piciocheddus de iscola viagiantis;
- DE pretziai is tarifas de sa cuntribuzioni utentzia po su serbìtziu mensa cumenti istabiliu in cussu nau asuba;
- DE non fai cuntribui sa utentzia, cumenti deliberau dae su C.C. in sa delibera n°3 de su 31.01.1997, po su serbìtziu po tragai is piciochedus de iscola viagiantis Iscola Materna (Albagiara-Useddus), Iscolas Elementaris (Albagiara-Useddus-Gonnanou), Iscolas Medias (Albagiara-Useddus-Gonnanou) puru essendinci serbìtziu a pregonta de una personi feti;
- DE donai atu ca su Comunu de Useddus no est Enti iscuncordiau.

Custu Verbali benit firmau cumentu sighit:

Su Sìndigu at firmau
(*Abog .ATZEI ADRIANO*)

Sa Segretària at firmau
(*SCALA Dott.ssa MARIA BONARIA*)

Su sutoscritu, bius is atus d'ufitziu
Reg.n°132

ATESTAT

Ca custa delibera est steta apicada a s'Albu Pretoriu Comunali sa dì 19/03 de su 2007 po ddui abarrai quindixi diis a fatu e pari (art.124, c1 de su T.U. 18/08/2000, n°267)

De sa Residèntzia Comunali, innia 10/03/2007

Sa Segretària Comunali at firmau
(*SCALA Dott.ssa MARIA BONARIA*)

Su sutoscritu, bius is atus d'Ufitziu

ATESTAT

Custa delibera est diventata esecutiva su..... segundu s'art.....
De su T.U. 267/2000

De sa Residèntzia Comunali, innia

Sa Segretària Comunali
(*SCALA Dott.ssa MARIA BONARIA*)

De potai a:

- s'Ufitziu Tènicu
- s'Ufitziu Amministrativu
- s'Ufitziu Contabili
- s'Ufitziu Vigilanza
- s'Ufitziu Serbìtziu Sotziali
-
-
- R.A.S.

De sa Residèntzia Comunali, innia

Sa Segretària Comunali at firmau
(*SCALA Dott.ssa MARIA BONARIA*)